

9 September 1589. Prior Lier aan Gr. Ch.

(Amicus a fine)

Salutem in domino Jhesu sempiternam. Rme in Christo pater, recepimus litteras a R.V. ad nos missas ex quibus intellescimus ex conflagratione domus Curerie maximum detrimentum accidisse R.V. unde multum dolemus. Nobis ex aquarum abundantia etiam in dies maxima mala ac indicibilia damna proveniunt: et multa alia mala nos undique contristant (sic ubique luctus et dolor) , nihil aut saltem valde parum de nostris bonis recipimus nam ubicumque locorum siut situata, vacua manent et infructuosa, sicut scripsimus R.V. atque nunc plenius in presentia D. Visitoris nostri Venerabili patri Visitori Piccardie sigillatim expressimus ut viva voce R.V. lucide ac clare ostendere possit et R.V. provocare ad misericordiam pro domo nostra in dimittendis debitis: que adhuc domni Carthusie debemus. Nam intelligere debet R.V. nisi mea presentia ex hereticorum faucibus eripuisse que a nobis sunt recepta tam de bonis carthusie quam domus nostra: nihil aut valde parum de duobus aut tribus ultimis annis 79, 80 et 81 fuisset receptum. Nam d; Prior

2

distensis qui in eisdem quoque locis habet sua bona nihil penitus de supradictis annis recepit. Misi annis superioribus mille et ducentos florenos et nunc per V. Patrem Valencenarum mitto adhuc sexentos florenos. Rogamus R.V. quatenus nunc domum nostram de reliquis debitis absolvere dignetur: aut saltem bonam moderationem facere digneris. Nam unde nostram familiam diutius sustentare poterimus nescimus, nam singulis annis maiora gravamina nobis proveniunt ex desolatione bonorum nostrorum et militum devastatione. Impassibile est scribendo R.V. ostendere miserias nostras. Sed V.P. Valencenarum, sicut nobis promisit viva voce de omnibus clare ac dilucide ostendet et enarrare poterit R.V. Rogamus per viscera misericordie dei nostri ut nostra debita dimittere dignetur R.V.: hec cum maxima festinatione scripsi qui V. Pater Valencenarum ad iter erat acciuctus. His paucis R. P.V. domino Deo altissimo commendamus ac nostram domum in R.P.V. tutelam committimus.

Bruxelle 9 Semptembris 1589.

Vre R.P.V. filius ad aram usque obsequiosissimus
fr. Anthonius a fine Prior domus Lyre desolatissime.